

grossoye aud(it) de busquet
le 8 may 1604

Testement de honneste femme catherine
de busquet

Au nom de dieu soit saichent tous presans et advenir
que ce()jourduy **premier** du moys de **may mil six cens
quatre** apres midy a **villemeur** et dans la mai(s)on
de la testatrix bas nommee etc regnant henry etc pard(evant)
moy no(taire) et tesmoins bas nommes constituee en sa [per]sonne
honneste femme **catherine** de **busquet vefve** a feu **ysac
vernhes** habitante de villemeur lacquelle estant
dans son lict a()la salle de sa mai(s)on et joignant l()habita(ti)on
de m(aîtr)e anthoine vacquié bachelier en droitz detenue de
certaine maladie corporelle toutesfois en ses bon
sens et parfaite memoire bien parlant voyant
ouyant et cognoissant considerant la mort
corporelle luy estre certaine et l()heure d icelle incertaine
a voleu pourveoir au salut de son ame e(t) disposer
des biens temporelz q(ue) dieu luy a donnees en ce
monde de son bon gre et franche volonte non
induite a()ce f(air)e ceduite ny subornee ainsy q(ue) a dit
ains de sa certe science a faict dit e(t) ord(onné)
son testament en la forme et maniere q(ue) s()ensuit
premierement par cé q(ue) les choses spirituelles
sont plus dignes q(ue) les temporelles icelles
doibvent prefferer a recomande son ame a dieu le
pere tout puissant au filz et au saint (e)sprit
ung dieu en troys [per]sonne le priant q(u'i)l
luy plaize la separa(ti)on faite de son ame avec le
corps *icelle* ame colloquer en son royaume celeste

.....
Cxxx

de paradis voullant q(ue) son corps soit ensepvely
au **cemitiere saint jean de villemeur hors les murs**
en ensuivant les]æz[coustumes observees en la
relligion refformee de()lacquelle proteste f(air)e profession
item donne et legue lad(ite) testatrix et telle
est sa volonte que durant e(t) **pendent** le terme de
vingt annees a compter de ce()jourduy **les pasteur(-)s**
quy administreront **en()l()eglize refformee de villemeur**
ayent la paisible jouissance de la susd(ite) **mai(s)on**
dans laquelle la susd(ite) testatrix faict son habita(ti)on
sans q(ue) icelle puisse estre employee q(ue) sceullement **a**
la residence desd(its) pasteurs durant lesd(its) vingt ans
pendent lequel temps veult q(ue) lad(ite) mai(s)on soit
entretenee en mesnagers et q(ue) les repara(ti)ons q(u'i)l
y conviendra f(air)e q(ue) ce ce soit aux despens des domicillieres
et q(ue) oultre ce paient annuellement les tailhes
passe lequel temps veult e(t) ordonne q(ue) lad(ite) mai(s)on

revienne et apartienne a son hoir bas no(mmé) et
parce et tant q(ue) lad(ite) testatrix a impetre
l(ett)res royaux en resision de certain [con]tract faict en(tr)e
la testatrix et s(i)re **jean vernhes bourgeois** dud(it)
villemeur **son beau f(re)re** pour rai(s)on de()quoy proces est
pendent en la co(ur) de parlement de th(ou)l(ouse) et q(u'i)l pourroit
arriver q(ue) inherinant lesd(ites) l(ett)res royaux au(tr)e divi(si)o(-)n
seroit faicte avec le susd(it) vernhes et q(ue) par ce moyen
lad(ite) mai(s)on pourroit advenir a la par d icelluy
en ce cas veult et ordonne q(ue) son hoir bas nomme
soit tenu bailher une piece jusques a la

.....

somme de six cens livres t(ournoi)z pour icelle estre
posseder et jouir de l()ususfruit par les pasteurs
residens aud(it) villemeur durant e(t) pendent lesd(its) vingt
ans et **pour employer au loage d'une au(tr)e mai(s)on p(our)**
le soulagement de la ville lacquelle piece lesd(its) vingt
ans passes veult q(ue) soit restituee a sond(it) hoir vas
no(mmé) quitte de toutes tailhes donne et legue lad(ite)
testatrix a ~~atherine~~ **/mag(delai)ne pelissiere sa niepce femme** de m(aître)
garrigues advocat en()la co(ur) du()parlement de
th(ou)l(ouse) pour tous droitz q(u'e)lle pourroit prethendre sur ses
biens la somme de cinq soulz t(ournoi)z une fois payables
par sond(it) hoir bas nomme dans l()an appres son decez
et avec ce l()a faict e(t) instituee son hoire par(ticuli)ere et veult
q(ue) ne puisse au(tr)e chose demander a son hoir bas no(mmé)
donne et legue lad(ite) testatrix pour amour
de dieu]he[... pitoyables aux povres mendians
et necessiteux dud(it) villemeur la quantite de quinze
hemines misture payables par sond(it) hoir bas no(mmé)
dans huit mois appres son deces distribuables par les
bailles q(ue) seront pour lhors de l hospital ^# item
donne et legue a **ysabeau de cosy fille de feu michel**
et de jeane de costant]p[pour ce collocquer en mariage
la som(m)e de cent livres t(ournoi)z payables quant ce
mariera voullant q(ue) decedant avant ce marier
ou sans enfans q(ue) le susd(it) legat vienne savoir
la moytie a()la susd(ite) de costant sa mere et l()au(tr)e
moytie a sond(it) hoir bas no(mmé) item donne et legue
a **catherine de petit filhe de jean marchant de mo(n)tauban**
et **filheulle** de la testatrix la somme de cent livres

^# item donne et legue lad(ite) testatrix a cinq povres filles a marier faisant
profession de la relligion refformee et telles q(ue) par sond(it) hoir bas no(mmé) s(e)ra advise
po(ur) les colloquer en mariage a ch(ac)une d icelle la somme de dix livres t(ournoi)z payables

.....

C xxxi

payables quant ce mariera avec condi(ti)on q(ue) sy elle
vient a deceder sans [con]tracter mariage veult e(t) ordo(nne)
q(ue) le susd(it) legat vienne et apartienne a **ysabeau de petit**
sa s(o)eur et au cas lad(ite) ysabeau de petit viendra a deceder
sans ce marier ou sans enfans veult q(ue) le susd(it) legat

reto(u)rne de plain droit a sond(it) hoir bas no(mme) item donne
et legue a jeane rocques sa chambriere en [con]sidera(ti)on
des [ser]vices qu()elle en a receus recoit et espere recepvoir
savoir la som(m)e de quinze livres t(ournoi)z une fois payables
lhors que ce mariera et par ce q(ue) le chef et
fondement de tous testemens est necessaire
l()institu(ti)on d()hoir ou hoire et q(ue) sans icelle tous testemens
sont ditz invalables a ceste cause lad(ite) de busquet
en tous et checungs ses au(tr)es biens tant meubles
q(ue) immeubles droitz voix noms et actions q(ue)lconcques
q(ue) luy competent e(t) peuvent appartenir ou q(ue) soient ny
q(ue) non et par quelles [per]sonnes q(u'i)lz soient detenus
a faict et institue son hoir universsel et general et
de sa propre bouche l()a nomme et surnomme savoir m(aître)
denys de busquet docteur et advocat en la co(ur) son
nepveu pour d iceulx f(air)e e(t) disposer a tous ses plaisirs
et volentes tant a()la vie q(ue) a la mort co(mme) ung ch(ac)ung
faict de sa cause propre a la charge de paier et acquitter
les susd(its) legatz debtes et charges sy oint en y a *item*
~~veult~~ et ordonne q(ue) et au caz led(it) de busquet son hoir
viendroit a deceder sans enfans legitimes en ce cas
donne et legue a l()eglize refformee dud(it) villemeur
la somme de cent livres t(ournoi)z po(u)r estre employee

.....
a la subven(ti)on de lad(ite) eglise refformee et ce dessus
a dit et declaire lad(ite) testatrix estre son der(nier) et valable
testement no(n)cupatif cassant revocquant e(t) du
tout annullant tous au(tr)es testemens codicilles et
donna(ti)ons sy poinct en y a de faitz ou faictes excepte
le presant qu()elle veult e(t) entend q(ue) soit valable par
droit de testament no(n)cupatif et sy ne pouvoit valoir
par droit de testament no(n)cupatif veult q(ue) vailhe
par droit de codicille et sy ne valloit par droit de
codicille veult q(ue) soit valable par droit de donna(ti)on
faicte en(tr)e les vifz a jamais yrevocable et par
au(tr)e droit uz stil et coustume q(ue) mieulx
pourra valoir priant e(t) suppliant les tesmoings
bas nommes par elle recogneus e(t) nommes l()ung
appres l()au(tr)e luy porter tesmoniage de verite et ce
souvenir de son p(rese)nt testament et volonte der(nier)e et
a moy()d(it) no(taire) luy en retenir inst(rument) ce qu()ay faict
en presances de sire estienne larocque bourgeois
m(aître) gabriel prouho advocat simon garrel praticien
ramond lafontaine bertrand berard]m-e[jean dupuy
merchant jacob auriol cousturier les tous habit(ant)z
de vill(emu)r soubz signes avec la testatrix]le[saulf
led(it) lafontaine q(ui) a dit ne scavoir et moy no(taire)

Cather(ine) Busquet Delarocque, p(rese)nt

Garrel p(rese)nt Prouho, p(rese)n

Dupuy

Berard Jacob Auriol

Pendaries, no(taire)

Et advenu le **seitzie(me)**
jour du mois de **decembre**
an susd(it) **mil six cens**
quatre avant midy
dans villemeur pard(ewan)t
moy no(taire) e(t)tesmoings
bas nommes a esté
presant en sa [per]sonne
jean solie consul de
villemeur faisant
tant po(ur) luy que pour
et au nom de ses au(tr)es
compaignons [con]suls en
l()absence de m(aîtr)e **anth(oine)**
vacquie et bertrand
gailhard bailles de
l()hospital saint jacques
de vill(emu)r lequel de gre
et volonte confesse
avoir prins e(t)receu
du comprins au p(resen)t
testement m(aîtr)e **denys**
busquet absent par
les mains de damoyselle
claire de buisson sa
belle mere illec p(resen)te
stipullant et acceptant
savoir est la quantite
de quinze hemines
misture [con]tenue au susd(it)
legat fait en faveur
des pouvres mendians
et necessiteux de la p(rese)nt
vllle pour icelle misture
distribuer ausd(its) pouvres
de()quoy led(it) solie promet
tenir quitte led(it) de
busquet]e(t) p-et[
obligeant a ces()fins
ses biens etc soumis etc
renon(çant) etc jure p(rese)ns
m(aîtr)e anthoine timbal
no(taire) royal ramond
bromet basochien de
vill(emu)r habit(ant)z et moy no(taire)

SOLIE

Timbal, not(aire) roy(al)

Bromet, p(rese)nt

.....
L **an mil six cens cinq** et
le **premier** de **janvier** apres
midy dans **vill(emu)r** pard(ewan)t
moy no(taire) e(t)tesmoings bas no(mmés)
constitue en sa [per]sonne
ramond sudrie laboureur de
saintes()carittes
[con]jointe [per]sonne de jeane
rocques moienant le p(rese)nt
testament lequel de gre

recoinoist et [con]fesse avoir heu
et receu de m(aîtr)e **denys**
bosquet doct(eur) en droitz hoir
de la susd(ite) catherine de
bosquet abesnt moy no(taire)
comme [per]sonne publicque
po(ur)luy()p(resen)t stipullant et
acceptant savoir est la
somme de quinze livres t(ournoi)z
... au legat a lad(ite)
rocques faict par icelle
de busquet ainsin q(u'i)l
resulte dud(it) legat lequel
par vertu du presant
demeure po(ur) cancelle e(t) resoleu
de()lacquelle som(m)e c()est
[con]tenté et a icelle recognu
mise et assigne a()lad(ite) rocques
sa fem(m)e absente moy d(it) no(taire)
co(mme) [per]so(nn)e publicque po(ur) elle
estipullant et acceptant
en e(t) sur tous e(t) ch(ac)ungs ses
biens]ete[meubles immeubles
p(rese)ns et advenir pour luy
estre restitue ou aux
sciens advenant caz
de restitu(ti)on et a ces()fins
a obliges ses biens etc submis etc
renon(çant) etc jure p(rese)ns m(aîtr)es
andre romanhac anth(oine)
chartron praticiens de
vill(emu)r habit(ant)z et moy no(taire)

Romaniac, p(rese)nt

Chartron, p(resen)t

Pendaries, no(taire)

.....
l an mil vi cens six

]ee[le **vii^e** jour d()**octobre**
apres midy dans **villemur** etc
regnant henry etc pard(ewan)t
moy no(tai)re et tesmoings baz
nommes [con]stitues en]sã[
personnes **daniel voulous marchand**
et jeane de costans sa
femme de villemeur habit(ant)z
lad(ite) de costans de l()advis
dud(it) voulous (*lire : Boulous*) son mary
qui l()a autorisee de gre ont
illec reallement et de [comp]tant
receu du comprins au p(resen)t
testement m(aîtr)e **denis de busquet**
docteur en droitz absent par
les mains de damoyselle **claire**
dubuisson sa mairastre illec
p(resen)te et deslivrant savoir est la
somme de cinq(uan)te livres t(ournoi)z en tiers
et quarz d()escu faisant icelle
par led(it) boulous receue e(t) retiree
du [con]sentelement de lad(ite) de
costans sa fem(m)e en sorte q(ue)
s()en sont [con]tantes et ce po(ur) la moitie de la somme de
cent livres t(ournoi)z leguee par la

susd(ite) **feue catherine de ()busquet a feue ysabeau de cosy filhe a lad(ite) de costans**
resultant du leguat cy dessus
escript provenue lad(ite) so(mm)e
]savoit[ainsy q(ue) est dit par lad(ite) dubuisson dam(ois)elle savoir
trente troys livres t.z po(u)r fin de paie de ce que guill. du lieu de tauriac pouvoit delivrer
aud(it) de busquet [par] **inst(rument)**
retenu par doudet qui est cancelle et le surplus des den(iers) propres dud(it) de busquet
laquelle som(m)e de cinquante livres t.z led(it) boulous a recogneue mis et assigne a ()lad(ite) de
costans sa fem(m)e p(resen)te stipullant
et acceptant en et sur tous et ch.ungs ses biens meubles immeubles p.ns et a venir po.r luy estre
restitues ou aux siens caz de restitu(ti)on advenant avec l()augment
d()icelle selon la
coustume de ce
pais et a ces()fins
oblige sesd(its) biens etc
submis etc renon(çant) etc jure
p(rese)ns ramond devic david
dupuy de vill(emu)r et moy
not(aire)

Boulous

R. Devic Dupuy

Pendaries, not(aire)